

# Wāhanga Ako



E waru ngā Wāhanga Ako, arā, ngā tauākī marautanga ā-motu, o Te Marautanga o Aotearoa. Ka whakamāramahia ngā kawatau ako mātauranga, pūkenga, toi mokopuna hoki hei whakatutukitanga mā te mokopuna i ia te tau, ki ngā Tūārere Ako e rima. He rite tonu te hanga o ngā Wāhanga Ako, ā, ka kawea ko ngā mātāpono, ngā uara, ngā whāinga matua, me ngā hua ako o Ngā Pou Matua.

## Ngā Pou Matua

Ka whakakōpaki ngā Pou Matua i ngā mātāpono, ngā uara, ngā whāinga matua, me ngā hua ako o Te Marautanga o Aotearoa. Ka whakaahuatia ēnei i te ngako o ngā toi e whā o te ākongā, kua tapaina hei Toi Mokopuna.

## Te Wewete i ia Wāhanga Ako

I ia Wāhanga Ako, kua whakakao i ngā kawatau ako i te mātauranga, ngā pūkenga me ngā toi mokopuna ki ngā Whenu me ngā Toi Mokopuna.

Ka whakaahuahia ngā Tohu Ako i ngā kaunekehanga ako o ia Wāhanga ako.

Ka whakaahuahia ngā Whāinga i ngā whāinga ako matua.

Ka whakatakotoria Te Ngako o te Whāinga i tētahi whakarāpōpototanga o ngā whāinga ako matua.

Ko Te Roanga o te Kōrero ngā taipitopito kōrero mō ngā mātauranga, ngā pūkenga, me ngā toi, e akona ana.

Ka whakatakotoria te wāhanga, Hei Tautoko i te Ako, i ngā taipitopito kōrero hei tautoko i te taha ki te whakaako me te ako. Pērā i ngā āhuatanga whakaako, ngā rautaki whakaako whai hua, ngā rauemi me ngā tauira mahi hoki.

## Te mokopuna hei uri whakaheke

Ka uru te manawanui ā-āhurea, ā-reo hei tūāpapa mō te whakaaru ki te ao.

## Te mokopuna hei puna kōrero

E āhei ana te whakawhiti whakaaro me te whakamahi i ngā tairongo ki te whakaaro whānui, e pai ai tā te mokopuna tomo atu, aromātai hoki i ngā whakaaro kē.

## Te mokopuna hei tangata

Mau ana ōna mātāpono, ōna āhuatanga ā-roto, ōna pūkenga mōhiohio, tōna āhua Motuhake, me ōna whanonga, ā, e āhei ana ki te whakatairanga, ki te whakawhanake i tōna tuakiri Māori, me te tautoko i te toiora ā-hapori.

## Te mokopuna hei ākongā

E āhei ana ki te whakawhanake i ngā rautaki ako huhua me ngā tūmomo reo mō te rautau rua ngahuru mā tahi.

## Whenu

### Toi Mokopuna

#### Tohu Ako

#### Whāinga

#### Kia Mataara

#### Te Ngako o te Whāinga

Mā Te Kaiako  
Mā Te Mokopuna

#### Te Roanga o te Kōrero

Te Āhua o Te Mokopuna  
Ngā Tini Mata o Te Whakaako

Ngā tini mata o te reo | Ngā tini mata o te mātauranga | Ngā tini mata o te ako | Ngā tini mata o te tuakiri

#### Hei Tautoko i Te Ako

Tikanga Whakaako  
Kia puta te ihu o ia mokopuna  
Te hangahanga o te hōtaka ako i te reo  
Rauemi